



Ўзбекистон Республикаси Президенти **Шавкат Мирзиёев** Бирлашган Араб Амирликлари Бош вазири ўринбосари, мудофаа вазири, Дубай Амирлиги валиахди **Шайх Ҳамдан бин Муҳаммад Ол Мактум** бошчилигидаги делегация билан учрашув ўтказди.



Ўзбекистон ташқи ишлар вазири **Бахтиёр Саидов** АКШга ташрифи давомида 27 сентябрь кuni Россия ташқи ишлар вазири **Сергей Лавров** билан учрашув ўтказди.



Ўзбекистон ташқи ишлар вазири **Бахтиёр Саидов** БМТнинг Нью-Йоркдаги бош қароргоҳида Бурунди ташқи ишлар ва тараққиёт ҳамкорлик вазири **Альберт Шингиро** билан учрашди. Шарқий Африка давлати Ўзбекистон билан дипломатик алоқалар ўрнатган 152-мамлакатга айланди.



Ўзбекистон Конституциявий суди раиси **Мирзо-Улугбек Абдусаломов** бошчилигидаги мамлакат делегацияси 17-21 сентябрь кунлари Бангкок шаҳрида бўлиб ўтган Конституциявий судлар ва уларга тенглаштирилган институтлар Осиё ассоциацияси (ААС)нинг 6-Конгресси ва аъзолари кенгаши (ВоММ) йиғилишида иштирок этди.



Мамлакатимиз бўйлаб В.Воҳидов номи Республика ихтисослаштирилган хирургия илмий-амалий тиббиёт марказининг 50 йиллиги кенг нишонланмоқда. 27 сентябрь кuni мазкур муассасада бевосита Президентимиз ташаббуси билан Хирургия марказида қад ростлаган академик **Восит Воҳидов** хайкалининг тантанали очилиш маросими бўлиб ўтди.



Самарқанд вилояти ҳокими **Эркинжон Турдимов** Абу Даби Тараққиёт жамғармаси бош директори **Муҳаммад Саиф Ал Сувайди** бошчилигидаги делегация билан мулоқотда бўлди.



Бош прокуратура ҳузурдаги Департамент қошида Алкоголь ва тамаки бозорини тартибга солиш инспекциясининг «Ишонч телефони» ишга туширилди. Эндиликда, тадбиркорлар, ишбилармонлар ҳамда фуқаролар этил спирти, алкоголь ва тамаки маҳсулотларини муомалага киритиш ёки ишлаб чиқаришда бiron-бир ноқонуний хатти-ҳаракатлар ёки контрабанда ҳолатларига дуч келган тақдирда **Инспекциянинг + (71) 202 86 90 телефон рақамига** мурожаат қилиши мумкин бўлади.



САЙЛОВ ЭНДИ СИЙЛОВ ЭМАС

Қонунчилик палатаси ва маҳаллий Кенгашлар депутатлари сайлови тарихида илк бор сиёсий партияларнинг раислари ўртасида дебат ташкил этилди. Мунозаралар давомида ўзига хос фикрлар, мулоҳазалар ва таклифлар билдирилди. Шу билан бирга, сиёсий партиялар раисларининг кескин тортишувлар ва муросасиз баҳслари кузатилмади. Сўнгги раунд партия раҳбарлари сайловчиларни ўз ғояларини қўллаб-қувватлашга ва уларга овоз беришга чорлови билан якунланди.

Касаба уюшмаси оралишгач...



«ЎЗ ХОҲИШИГА КЎРА»... ЁЗИЛМАГАН АРИЗА

Шахзодаҳон Жалилова Фарғона вилояти Кува туманидаги 14-давлат мактабгача таълим ташкилотига 20 йилдан буён ишлаб келаётган эди.

Лекин буни қарангки, қутилмаганда Фарғона вилояти мактабгача ва мактаб таълими бошқармасининг буйруғи билан унинг меҳнат шартномаси Меҳнат кодексининг 157-моддасига биноан, яъни тарафларнинг келишувига кўра, бекор қилинган. Ўз-ўзидан савол туғилади, ҳақиқатан ҳам иш берувчи ва ходим ўртасида тегишли равишда келишув бўлган эдими?

Ўзбекистон касаба уюшмалари Федерациясининг Фарғона вилояти кенгаши мутахассислари томонидан Ш.Жалиловани аввалги лавозимига ишга тиклашга амалий ёрдам сўраб қилган мурожаати синчковлик билан ўрганиб чиқилди.

Ўрганиш давомида боғча мудираси ишдан бўшаш тўғрисидаги аризани ўз хоҳишига кўра ёзмагани маълум бўлди.


Иш судда кўриб чиқилди. Унга кўра Ш.Жалилова 14-давлат мактабгача таълим ташкилоти директори лавозимига ишга тикланди. Мажбурий прогул кунлари ва маънавий зарар учун унинг фойдасига салкам 20 миллион сўм ундириб берилди.

Мансуржон УСМОНОВ,
Ўзбекистон касаба уюшмалари Федерацияси Фарғона вилояти кенгаши бош мутахассиси

Ўзбекистон
касаба
уюшмалари
Федерациясида
куну тун
фаолият
кўрсатадиган
қисқа
рақамли

1211

«Ишонч телефони»,
яъни
«Call-center»га
мамлакатимизнинг
турли ҳудудларида,
олис ва чекка
қишлоқларида
яшаётган
хотин-қизлар
ўз муаммолари
бўйича исталган
вақтда мурожаат
қилишлари
мумкин.



Йиғилиш



ФАРОВОНЛИККА ҚАНДАЙ ЭРИШИЛАДИ?

Ўзбекистон касаба уюшмалари фаоллари ва республика нурунийларининг Ўзбекистон халқига Мурожаати хоразмлик кенг жамоатчилик вакиллари ҳам бағоят руҳланганди.

Урганч шаҳар ҳокимлигида тўртта сектор раҳбарлари, тадбиркорлар, зиёлилар, нурунийлар иштирокида ўтказилган йиғилишда шаҳар ҳокими Бунёд Ражабов, Маданият, спорт ва туризм ходимлари касаба уюшмаси Республика кенгаши раиси Отабек Мусаев, Ўзбекистон касаба уюшмалари Федерацияси Хоразм вилояти кенгаши раиси ўринбосари Камолжон Бекжонов ва бошқалар сўзга чиқиб, давлатимиз раҳбари ташаббуси билан камбағалликни қисқартириш умуммиллий ҳаракатга айлантирилаётганлиги, ҳар бир ватанпарвар инсон бу ҳаракатда фаол иштирок этиши зарурлигига алоҳида урғу берилди.

Хусусан, касаба уюшмалари ногиронлиги бўлган шахсларни аравачалар ва реабилитация воситалари билан таъминлаш, камбағал оилалар фарзандларини оромгоҳларда бепул дам олдириш, ўқитиш, олий маълумотли мутахассис бўлиб етишишига кўмаклашиш, нурунийларни санаторийларда соғломлаштириш каби қатор вазифаларни ўз зиммасига оляптики, бу ушбу жамоат ташкилотининг мамлакатимизда кучли ижтимоий сиёсатни амалга оширишда қанчалар фаол эканидан далолатдир.

Йиғилиш иштирокчилари Урганч шаҳрида камбағалликни қисқартириш борасида амалга оширилиши лозим бўлган вазифаларни таҳлил қилиб, турли ечимларни таклиф этишди.

Ўз мухбиримиз

Саҳифаларда ўқинг...

МАВСУМ ҚАНДАЙ ЎТДИ?



Йўллardaги ўйлар

ёхуд шу кунларда рўй берган автоҳалокатлар ҳақида



Иштироб оҳанги



